



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Historia Sanctorum Joachim Et Annæ Geneseos, Vitæ,
Transitus Et Connexorvm**

Polius, Jacobus

Heripoli, 1652

6. De Ioseph & Cleophæ fratum connubijs.

urn:nbn:de:hbz:466:1-43946

Barradius, Balduinus Junius Chronici moralis pag. 75. Torniel. anno mundi 4082. n. 7. P. Hadrianus Lyræus Trifagii Marianii lib. 2. modo 2.

3. Vocantur autem fratres Domini non isti solum, sed & de quacunque cognatione propinquoi, tam virginis Matris, quam patris putatricii. Ita S. August. tomo 9. tract. 10. in c. 2. Joannis & lib. 22. contrà Faust. Anselmus in c. 12. Matth. Pererius in c. 24. Genes. vers. 43. disput. 8. Lyræus loco citato.

VI. QVÆSTIO.

De Ioseph, ejusque fratribus Cleophae connubiosis.

Joseph teste Matthæo filius Jacob, monogamus fuit, & solius virginis Deiparae sponsus castissimus; sed ex adverso hæretici dixerunt, illum ex virgine Mariâ post natum Christum procreasse proles, quæ in sacris literis vocarentur fratres & sorores Domini. Huic heterodoxo opposuit se S. Hieronymus scribens contra Helvidium. & Hillephonsus, quorum argumenta atque solutiones commemorat Cardinalis Toletus in Joannem c. 2. annot. 18.

2. Atque ut Deipara post partum vindicatur virgo, & contrahæreticos defenderetur, invalidit olim nonnullorum Patrum opinio Fratres Domini ex primâ conjugie Joseph generatos, de quibus Baronius Apparatus n. 61. & 62. Lipomanus in vitis SS. pag. 251. Torniel. anno mundi 4082. n. 7.

3. Vc-

3. Verūm enim verò contra erroneam huiusmodi opinionem, ex Sanctis Hieronymo, Augustino, Gregorio, Anselmo, Theodoreto, Beda, Chrysologo, itidem, Alcuino, Hugone Victorino, Petro Damiani, & recentioribus part. I. §. 23. relatis constat, quod Joseph virginis custos, & ipse virgo permanferit, nec bigamus fuerit: quamobrem ut ille à tam falsa paternitate eximeretur, adductus est Cleophas, quem ex Hegesipo Eusebius lib. 3. c. 13. & 26. ipsius Joseph fratrem Germanum constituit, de quo mox dicemus.

4. Primus Cleophas, fortè juxta Opmerum Sephoro oriundus Mariæ primogenitæ, Sororis S. Annæ, maritus, principio quæstionis præcedentis productus, dudum transferat. Longius post Josephum & Cleopham secundum, ex tribu Juda fratres, ortu & origine Bethleemitanos statuimus. Tertius Cleophas discipulus Domini, post resurrectionem in viâ versus Emmaus socius, ex eodem tribus Benjamin, vel ut aliis placet tribus Dan castello, natus, ac civis ibidem fuisse memoratur; idemque ab Hieronymo in epitaphio Paulæ ad Eustochium, à Bedâ tomo 3. in martyrologio ad VII. Cal. Octob. & à Christiano Adriachomio theatri terræ sanctæ edit. 1590. Antwerp. pag. 47. in eodem castello, in eâdemque domo, in quâ mensam peregrino Domino præparaverat, pro confessione ejus à Judæis occisus narratur. Cleophæ domum ibidem in Ecclesiam à Domino consecratam, annotat in resurrectione Christi

Christi Hieronymus Natalis. Hæc carptim, ne
mens Lectoris propter viros cognomines con-
fundatur, uti recte etiam alii Scriptores distin-
gvunt.

5. Cardo quæstionis genealogicæ de ortu
Fratrum Domini hic recurrit. Qui dicunt à se-
cundo Cleophâ fratre Josephi illos exortos, ne-
cessè habent ut illum Cleopham non faciant se-
cundùm S. Annæ maritum, sed potius eidem, si
lubet, quærant uxorem nomine Mariam, juxta
probationes q. 5. n. 2. adductas; deinde eisdem
conjugibus attribuant filiam Mariam, ex quâ Al-
phæus suscitet fratres & sorores Domini, com-
muniter dictos. Ita enim faciendum consultit
Aloysius Lipomanus in vitis SS. edit. 1571. Loua-
niensis pag. 254. & mox subjungit: Quod si nec
hoc tibi placet, aliam tu excogita rationem me-
liorem, cui ego libens ac quiescam.

6. Rebus si compositis, sagax Lector probè
expendat, quod Synchroni sint, & velut genera-
tionis gradu æquali constituti, Mathan Sacer-
dos, & Mathan Evangelicus, ceu progenitores
& stipites eorum, de quibus controvertitur. Post
ipsos in primo gradu locamus Sacerdotis istius
filias, Mariam uxorem primi Cleophæ, dein soro-
rem istius Mariæ, Annam uxorem Joachimi. Pa-
ripassu collateralem statuimus Jacob, filium
Evangelici Mathanis. Hinc in secundo gradu
locamus Mariam primi Cleophæ filiam, Alphæo
enuptam, Mariam itidem Annæ filiam, Josephum
& Cleo-

& Cleopham fratres, & pro tempore fingimus aliam quoque Mariam hujus secundi Cleophæ conjugem. Unde jam nunc in tertio gradu sequuntur Christus Dominus, Alphæi proles Fratres & sorores Domini dictæ, in Nazareth educatæ, & fingenda Maria secundi Cleophæ filia; circa quam signanter notandum quod hujus Mariæ proles, quas erronea opinio fratres & sorores Domini facere satagit, in quarto gradu inventinentur.

7. Posito quod si hic geniti extiterint in rerum naturâ, ecce mox consurgit quæstio: an Christus pueros seu tenellos adolescentes eligerit in Apostolos & discipulos, pro tam arduo Christianæ fidei propugnandæ negotio? quod nullus prudens facilè astruere attentabit; atque idem argumentum currit contra eos, qui extertio gradu Alphæi filiam Salomen, faciunt Zebedæi uxorem, matrem Jacobi majoris & Joannis Evangelistæ. Tali etiam argumento utitur P. Salmeron. tom. 4. part. 2. tract. 11. propter quæ inconvenientia probè librata, recta ratio facilius assentietur iis, quæ num. 1. & 2. quintæ quæstionis promissa fuerunt.

VII. QVÆSTIO.

De Sede natali, tribuque Ioachim & Anne.

Traditio prima: Post S. Hieronymum de ortu virg. Mariæ Fulbertus serm. 2. de Nat. B. Virg. bibliothecæ magnæ SS. Patrum edit. 1618.

Colon.